

林和靖集

函一  
二册函

林和靖詩集卷二

七言律詩

湖上隱居

湖水入籬山遶舍  
隱居應與世相違  
閑門自掩蒼苔色  
過客時驚白鳥飛  
賣藥比嘗嫌有價  
灌園終亦愛無機  
如何天竺林間路  
猶到秋深夢翠微

湖山小隱二首

道着權名便絕交一峰春翠濕衡茆莊生已  
憤鴟鳶嚇揚子休譏蝮蛇嘲滴滴藥泉來石  
竇霏霏茶藹出松梢琴僧近借南薰譜且并  
閑工子細鈔容和贊白鳥飛賣藥山寄教育  
閑搭綸巾擁縹囊此心隨分識興亡黑頭為  
相雖無謂白眼看人亦未妨雲噴石花生劍  
壁雨敲松子落琴牀清猿幽鳥遙相叫數筆

湖山又夕陽

卷二

西湖泛舟入靈隱寺

水天相映淡波溶，隔水青山無數重。  
白鳥背人秋自遠，蒼煙和樹晚來濃。  
桐廬道次七里瀨，彭蠡湖間五老峰。  
輟棹遲迴比未得，上方精舍動疎鐘。

湖上晚歸

卧枕船舷歸思清，望中渾恐是蓬瀛。  
橋橫水木已秋色，寺倚雲峰正晚晴。  
翠羽濕飛如見

避紅蕖香溺似相迎  
依稀漸近誅茅地  
雞犬林蘿隱隱聲

湖上初春偶作

梅花開盡臘亦盡  
晴暖便如寒食天  
春色半歸湖岸柳  
人家多上郭門船  
文禽相並映短草  
翠澗欲生浮嫩煙  
幾處酒旗山影下  
細風時已弄繁絃

西湖春日

八靈廟

爭得才如杜牧之試來湖上輒題詩  
春煙寺院敲茶鼓夕照樓臺卓酒旗  
濃吐襟芳薰巖岬濕飛雙翠破漣漪  
人間幸有蓑兼笠且上漁舟作釣師

池上春日

一池春水綠於苔水上花枝竹間開  
芳草得時依舊長文禽無事等閒來  
年顏近老空多感風雅含情苦不才  
獨有浴沂遺想在使人

終日此徘徊

池上春日即事

鴛鴦如綺杜蘅肥  
鷓鴣夷猶翠澥微  
但據汀洲長並宿  
莫衝煙靄輒驚飛  
已輸謝客清吟了  
未忍山翁爛醉歸  
釣艇自橫絲雨霽  
更從蒲篠媚斜暉

小園春日

草煙橫碧露華微  
乘興春園懶欲歸  
聚散有

情輸蛺蝶淺深無色比薔薇浮名莫惜千鍾  
貴急景須防百歲稀一事不堪身衣褐且偷  
閑眼看芳菲

夏日池上

蓮香如綺細濛濛翡翠窺魚裊水萍卷箔未  
生單簟月凭欄初過一襟風橫欹片石安琴  
薦獨傍新篁看鶴籠沉李凍醪無寄與可憐  
瀟灑興誰同



西巖夏日

蕙帳蕭閑掩弊廬子真巖石坐來初為驚野  
鳥巢間乳懶過鄰僧竹裏居新溜迸涼侵靜  
語晚雲浮潤上殘書何煩彊捉白團扇一柄  
青松自有餘

夏日即事

石枕涼生菌閣虛已應梅潤入圖書不辭齒  
髮多衰病所喜林泉有隱居粉竹亞梢垂薄

露翠荷差影聚游魚北窗人在羲皇上時為  
淵明一起子

隱居秋日

行藥歸來即杜門嘯臺秋色背人羣幽蟲傍  
草晚相映遠水着煙寒未分高亢可能稱獨  
行窮空猶擬賴斯文過從好事今誰是自笑  
何如揚子雲

秋日湖西晚歸舟中書事

水痕秋落蟹螯肥  
閑過黃公酒舍歸  
魚覺船行沉  
草岸犬聞人語出  
柴扉蒼山半帶寒雲  
重丹葉疎分夕照  
微卻憶青溪謝太傅  
當時未解惜蓑衣

城中書事

一門深掩得閑權  
純白遺風要獨全  
強接俗流終反道  
敢嫌貧病是欺天  
圍形古寺諳尋鶴  
照蘚秋廊擬疏玄  
從此免慙巖下者  
子真

高興未蕭然

深居禱興六首

諸葛孔明謝安石畜經濟之才雖結

廬南陽攜妓東山未嘗不以平一字

內躋致生民為意鄙夫則不然胸腹

空洞翦然無所存置但能行樵坐釣

外寄心於小律詩時或鑿兵景物衡

門情味則倒晚二君而反有得色凡

所寓興輒成短篇總曰深居襟興詩  
六首蓋所以狀林麓之幽勝攄凡格  
之閑曠且非敢求聲於當世故援筆  
以顯其事云

隱居松籟細錚然何獨微之重碧鮮已被遠  
峰擎巘巘更禁初月吐娟娟門庭靜極霖苔  
露籬援涼生裊菊煙中有病夫披白搭瘦行  
清坐詠遺篇

四壁垣衣釣具腥已甘  
衡泌號沉冥伶倫近日  
無侯白奴僕當時有衛  
青花月病懷看酒譜雲  
蘿幽信寄茶經茅君使  
者蕭閑甚獨理叢毛向  
戶庭

薄夫何苦事姦姦一室  
琴書自解顏峰後月  
明秋嘯去水邊林影晚  
樵還文章敢道長於古  
光景渾疑剝卻閑多少  
煙霞好猿鳥令人惆悵  
謝東山

冉冉秋雲抱嘯臺一丘松竹是閑媒誰聞濟  
北傳兵略枉說山東出相才樵褐短長披楫  
膝丹鑪高下壘懸胎三千功行無圭角可望  
虛皇九錫來

上書可有三千憤下筆曾無一百函閒卷孤  
懷背塵世獨營幽事傍雲巖僧分乳食來陰  
洞鶴觸茶薪落蠹衫未似周顒少貞勝北山  
應免略相銜

松竹封侯尚未尊石為公輔亦云云清華自  
合論閑客玄默何妨事靜君鶴料免慚尸厚  
祿茶功兼礙策元勳幽人不作山中相且擁  
圖書卧白雲

襟興四首

短褐蕭蕭頂幅巾擁書纔罷即噴呻耕樵可  
似居山者飲饌長如病酒人閉戶不無慵荅  
客焚香除是靜朝真前賢風槩聊希擬一刺



偏多井大春

散帙揮毫總不收  
病懷愁緒坐相兼  
苔痕作意生秋壁  
樹影無端上古簾  
一壑等閑甘汨汨  
五門平昔避炎炎  
惟應數刻清涼夢  
時曲顏肱興未厭

湖上山林畫不如  
霜天時候屬園廬  
梯斜晚樹收紅柿  
筒直寒流得白魚  
石上琴尊苔野淨  
籬陰雞犬竹叢疎  
一關兼是和雲掩  
敢道

門無卿相車

掉臂何妨入隱倫高賢應總貴全真次山有  
以稱聲叟魯望兼之傳散人拂水遠天孤榜  
晚夾村微雨一溪春不知圖畫誰名手狀取  
江湖太古民

孤山後寫望

水墨屏風狀總非作詩除是謝玄暉溪橋裊  
裊穿黃落樵斧丁丁斫翠微返照未沉僧獨

往長煙如淡鳥橫飛南峰有客鋤園罷閑倚  
籬門忘卻歸

孤山寺端上人房寫望

底處憑闌思眇然孤山塔後閣西偏陰沉晝  
軸林間寺零落棊枰葑上田秋景有時飛獨  
鳥夕陽無事起寒煙遲留更愛吾廬近祇待  
重來看雪天

山閣偶書

達舍青山看未足故穿林表架危軒但將松  
籟延佳客常帶嵐霏認遠村吳榜自能凌晚  
汰湘纍何苦屬芳蓀餘生多病期怡養聊此  
樓遲一避喧

孤山寺

雲峰水樹南朝寺祗隔叢篁作並隣破殿靜  
披蘿白古齋房閑試酪奴春白公睡閣幽如  
畫張祜詩牌妙入神乘興醉來拖木突翠苔

蒼蘚石磷磷

西湖

混元神巧本無形  
匠出西湖作畫屏  
春水淨於僧眼碧  
晚山濃似佛頭青  
藥櫨粉堵搖魚影  
蘭杜煙叢閣鷺翎  
往往鳴榔與橫笛  
斜風細雨不堪聽

平居遣興

有甚餘閑得解嘲  
高慵時把几程敲  
卑孜晚

鳥沉幽語歷刺煙篁露病梢草野交遊披褐  
見神仙書史點朱鈔皇朝不是甘逃遁爭向  
心如許與巢

山谷寺

一入禪林便懶還衆峰深壑共孱顏樓臺冷  
簇雲蘿外鐘磬晴敲水石間茶版手擎童子  
淨錫杖肩倚老僧閑獨孤房相碑文在幾認

題名拂蘚斑

峽石寺

長懷如練楚山青  
禹鑿招提甲畫屏  
數崦林蘿攢野色  
一崖樓閣貯天形  
燈驚獨鳥迴晴  
塢鐘送遙帆落  
晚汀不會髻頭無  
事者幾人能老此  
禪扃

池陽山店

數家村店簇山旁  
下馬危橋已夕陽  
驚鳥忽衝谿藪破  
暗花閑墮整風香  
時閑盤泊心猶

戀日後尋思興必狂可惜迴頭一聲笛酒旗  
搖曳出疎篁

寺居

浩然巾杖立秋鐘院舍門門細逕通柏子有  
芽生塔地鶴毛無響墮廊風閑樓已合稱高  
士清論除非對遠公不壓浮塵擬何了片心  
難舍此緣中

采石山



危閣閑登日漸曛  
整屏晴雨枕江濱  
秋稜瘦出無多寺  
古翠濃連一半雲  
坐卧不拋輸釣叟  
往來長見屬鷗羣  
翻然卻怪宣城守  
是甚移將李白墳

易從上人山亭

湖水汪灣隔數峰  
籬門和竹夾西東  
閑來此地行無厭  
又共吾廬看不同  
靈隱路歸秋色裏  
招賢庵在鳥行中  
屏風若欲相攬見  
合把

嶼巖與畫工

一徑衡門數畝池  
平湖分漲草含滋  
微風幾入扁舟意  
新霽難忘獨繭期  
島上鶴毛遺野跡  
岸傍花影動春枝  
東嘉層構名今在  
獨媿馮闌負碧漪

林間石

入夜跣趺多待月  
移時箕踞為看山  
苔生晚

片應知靜雲動秋根合見閑瘦鶴獨隨行藥  
後高僧相對試茶間疎篁百本松千尺莫怪  
頻頻此往還

黃家莊

黃家莊畔一維舟總是沿流好宿頭野興幾  
多尋竹徑風情些小上茶樓遙村雨暗鳴寒  
犢淺澈沙平下晚鷗更有錦帆荒蕩事茫然  
隨分起詩愁

過蕪湖縣

詩中長愛杜池州說着蕪湖是勝遊山掩縣  
城當北起渡衝官道向西流風稍檣碇網初  
下雨擺魚薪市未收更好兩三僧院舍松衣  
石髮鬪山幽

無為軍

掩映軍城隔水鄉人煙景物共蒼蒼酒家樓  
閣搖風旆茶客舟船簇雨檣殘笛遠砧聞野

墅老苔寒檜看僧房狎鷗更有江湖興珍重  
江頭白一行

出泉水驛

曉城寒水共蕭蕭濕碧吹青路一條煙靄濃  
間出山驛林蘿深裏過溪橋閑情謬會吟兼  
畫隱事猶輸釣與樵多謝孤村人落外酒旗  
風急更相招

淮甸南遊

幽勝程程擬徧尋不妨淮楚入搜吟  
蘚莎籬落谿莊靜松竹樓臺塢寺深  
數抹晚霞憐野笛一篩寒雨羨沙禽  
腰間組綬誰能愛時得閑遊是此心

耿濟口舟行

環迴幾合似江干刺眼詩幽盡狀難  
沙觜半平春晚濕水痕無底照秋寬  
老霜蒲葦交干刃怕雨鳧鷖著一攢  
擬就孤峰寄箬笠舊鄉

漁業久凋殘

留題李休幽居

平  
俗口喧喧利與名到君風品即難評曾將五  
老關秋夢祇愛南薰是正聲烏戀藥棚長獨  
立樹欹詩壁半旁生公車便不能徵出搔首  
吾朝負聖明

園廬

柴關寒井對蕭晨自愛栖遲近古人閑草徧

庭終勝俗好書堆案轉甘貧橋邊野水通漁  
路籬外青山見寺鄰懶為躬耕詠梁甫吾生  
已是太平民

安福縣途中作

詩景紛挐且按鞭壞橋危磴走鳴泉雲根道  
店多沽酒山崦人家亦種田谷鳥驚啼衝宿  
雨野梅愁絕閉寒煙玉梁閣皂堪行徧回得  
臨江即上船



雪三首

瓦溝如粉疊樓腰高會誰能解酒貂清夾曉  
林初落索冷和春雨轉飄蕭堪憐雀避來閑  
地最愛僧衝過短橋獨有閉關孤隱者一軒  
貧病在顏瓢

濕飄乾墮著谿林陳猛花尖聚砌陰曉沫平  
隨茶筋薄凍痕全共藥鋤深慵多秣好披詩  
看狂甚無如叩几吟更想天山兩三騎臂鷹

拳蹬簇駸駸

皓然窗戶曉來新  
畫軸碑廳絕點塵  
洛下高眠應有道  
山陰清興更無人  
寒連水石明漁墅  
猛共松篁壓寺鄰  
酒渴已醒時味薄  
獨援詩筆得天真

春陰

似雨非晴意思深  
宿醒牽率卧春陰  
苦憐燕子寒相並  
生怕梨花晚不禁  
薄薄簾幃欺欲

透遙遙歌管壓來沉北園南陌狂無數只有  
芳菲會此心

秋懷

惠連初擬賦秋懷病束慵纏幾未諧濕葉墮  
舟明晚暫破雲拖粉露晴岺先甘衰落歸雙  
鬢已覺清涼入百骸試枕離騷校閑品竹煙  
杉籟滿蕭齋

山園小梅二首

衆芳搖落獨暄妍，占盡風情向小園。  
疎影橫斜水清淺，暗香浮動月黃昏。  
霜禽欲下先偷眼，粉蝶如知合斷魂。  
幸有微吟可相狎，不須檀板共金尊。

翦綃零碎點酥乾，向背稀稠畫亦難。  
日薄縱甘春至晚，霜深應怯夜來寒。  
澄鮮祇共鄰僧惜，冷落猶嫌俗客看。  
憶着江南舊行路，酒旗斜拂隨吟鞍。

又詠小梅

數年閑作園林主，未有新詩到小梅。  
摘索又開三兩朵，團圞空遶百千迴。  
荒鄰獨映山初盡，晚景相禁雪欲來。  
寄語清香少愁結，為君吟罷一銜杯。

梅花三首

吟懷長恨負芳時，為見梅花輒入詩。  
雪後園林纔半樹，水邊籬落忽橫枝。  
人憐紅艷多應

俗天與清香似有私堪笑胡雛亦風味解將  
聲調角中吹

幾回山腳又江頭遶著瑤芳看不休一味清  
新無我愛十分孤靜與伊愁任教月老須微  
見卻為春寒得少留終共公言數來者海棠  
端的兔包羞

小園煙景正淒迷陳陳寒香壓麝臍湖水倒  
窺疎影動屋簷斜入一枝低畫名空向閑時

看詩客休徵故事題  
慚愧黃鸝與蝴蝶  
祇知春色在桃溪

杏花

蓓蕾枝梢血點乾  
粉紅腮頰露春寒  
不禁煙雨輕敲着  
祇好亭臺愛惜看  
隈柳旁桃斜欲墜  
等鶯期蝶猛成團  
京師巷陌新晴後  
賣得風流更一般

桃花

柳墜梅飄半月初小園孤榭更庭除任應雨

杏情無別最與煙篁分不踈比並合饒皮博

士

皮曰休  
有賦

形相偏屬薛尚書

薛

龍薄紅深茜

尖尖葉亦有愁腸未負渠

山舍小軒有石竹二叢闕然秀發因成

二章

麝香眠後露檀勻繡在羅衣色未真斜倚細  
叢如有恨冷搖疎朵欲生春階前紅藥推詞



客籬下黃花重古人今日含毫與題品可憐  
殊不愧清新

青帘有酒不妨賒素壁無詩未足誇所重晚  
芳聊在目可關秋色易為花深枝冉冉粧谿  
翠碎片英英翦海霞莫管金錢好行市寂寥  
相對是山家

新竹

粉環勻束綠沉槍裊露差煙澹澹長卷箔乍

驚雙曉健倚闌尋覺百毛涼齊披古錦圍山  
閣背迸寒犀過寺墻堪笑數根蒼翠者強顏  
如立少年場

榮家鶴

種莎池館久淹留品格堪憐絕比儔春靜棊  
邊窺野客雨寒廊底夢滄洲清形已入僊經  
說冷格曾為古畫偷數啄稻梁無事外報言  
雞雀懶回頭

百舌

柳條初重草初肥  
煙濕園林晚未晞  
百種堪憐巧言語  
一般惟欠好毛衣  
欺凌紅杏從頭宿  
諷刺黃鸝趁背飛  
誰道關關便多事  
更能緘默送芳菲

蝶

細眉雙鬢敵秋毫  
冉冉芳園日幾遭  
清露宿花應自得  
暖風和絮欲爭高  
情人歿久魂猶

在傲吏齊來夢亦勞  
閑掩遺編苦堪恨  
不并香草入離騷

林和靖詩集卷二終

開卷直讀  
卷別不終

林和靖詩集卷三

七言律詩

送范希文寺丞

林中蕭寂款吾廬

當辨江樹離尊聊為摘園蔬

賦梅福官卑數上書

條對召公車

送史殿丞之任封州

炎方將命選朝倫  
治行何嘗下古人  
擁旆月辭臨遠郡  
登艫還喜奉慈親  
水連芳草江南地  
煙隔寒梅嶺上春  
若過中途值歸鴈  
慰懷能與致音塵

送史宮贊蘭溪解印歸闕

杜若萋萋天似水  
一檣風信快吟懷  
春坊冠蓋還朝籍  
寶婺谿山別縣齋  
訪舊約僧登北固  
破程乘月宿清淮  
東南出宰才居最  
疇為

言揚向玉階

送馬程知江州德安

酒酣無復耿離腸一路之官盡水鄉公解寒  
生對廬阜客帆風定泊潯陽陂涵洲渚初收  
潦露浥蒹葭未作霜到日何人先刺謁二林

開士在琴堂

送楚執中隨侍入蜀

仍寄家  
洛京

嚴君將命之印蜀令子和家且侍行洛汭好



山歸別業江南芳草動離情詩題寺壁雲根  
潤書檢松窗野色明他日林間無所望祇求  
金榜看嘉名

送馬程員外之任烏江

空色青蒼寒日明遲遲攜手出柴荆長貧少  
得交遊者漸老不禁離索情去櫂浦帆當晚  
落到官江草已春生州監縣尹多才識當念  
吾宗負大名

送趙時校書之任臨川司理

南國古來風物好  
早時遊蕩孰登臨  
青山滿路人家遠  
丹橘隔江秋色深  
官況暫應勞折獄  
病懷終自重分襟  
三年解罷當求試  
多草

新文慰我心

送吳秀才赴舉

一戰詞場定策勳  
麻衣西笑仕紛紛  
風神已負青雲氣  
藝業兼攜白地文  
輦下春華期縱

轡野中林色惜離羣  
明年新榜看看見第甲  
嘉名且認君

送陳縱之無為軍

淮天時節少春寒  
幾蒂梅花雪欲殘  
水次軍城囊劍入  
雨餘村塢鐙驢看  
名緣未出知誰異  
道為深窮卻自難  
第一京師早西入  
廟廊題字可無韓

送文光師遊天台

天姥山深搖錫杖野芳春翠共歲蕤松門過  
水無重數石壁看霞到盡時閑避鳥啼應作  
觀忽逢人跡自留詩秦中河朔嘗遊覽莫恨  
此方行腳遲

贈胡明府

一琴牢落倚松窗孤澹無君得趣長謁廟有  
時封縣版坐衙終日著公裳為收牌印教村  
僕偶檢圖書見古方徵足稅錢人更靜卻搢

吟策立秋廊

贈當塗朱仲敏

甚與時流道不同  
南朝臺閣是家風  
高閑几格圖書畔  
冷澹門庭樹石中  
因寄詩牌尋勝景  
擬投文卷數名公  
榮登顯達他年後  
應笑冥冥弋者鴻

舒城僧舍呈贈李仲宣文學

竹深淮寺雪蕭騷  
一壁寒燈伴寂寥  
瘦盡骨

毛終騷裊蝕來鋒刃轉豪曹宦情冷落詩中  
見談態軒昂酒後高莫為無辜惜才術聖明  
求治正焦勞

贈錢唐邑長高秘校

幾萬人家山水中為官古雅少人同疎簾衙  
退卷花軸曲檻客來憑竹風唯道簿書多傍  
俗自憐琴酒未妨公等閑呵止郭門近輕棹  
遶湖尋佛宮

喜靈皎師見訪書贈

金錫鏘然歛蠹關雲膏濃渚對跳巖清如霜  
月三五夕瘦似煙篁一兩竿舊社久拋魂夢  
破近詩纔舉骨毛寒池軒夜靜且留宿往往  
自將秋籟彈

寄解州李學士

解梁賢守古難同張蓋垂鞭自士風館職久  
銜疎舊地郡符重剖枉名公印廳孤坐琴尊

外鈴閣清談易老中間演絲綸徵詔近相如  
文學動天聰

寄薛學士

曹州持服

飛徵偶未下天衢古郡寬閑且寄居曾許布  
衣通一刺每留蔬食看羣書高齋已想閑丹  
竈清夢誰同話直廬江外敢知無別計只攜  
琴鶴聽新除

寄傅霖



葛蔓煙枯束六經高廉渾與昔賢停黃牙稚  
子誇牛種白眼山人識劍形寒睡草傍林酒  
壯曉思河曲雨槎腥傳聞曾說平生事不要  
清朝夢武丁

寄岑迪

時黜官  
居曹州

久辜才術向吾朝公罪應該洗雪條佐邑舊  
曾居府寺轉官新合入京僚門庭冷落閑中  
住僮僕生疎賤價招別後交遊合相憶酒燈

暴雨數侵宵

寄形門梁進士

退隱無山進乏媒  
杜門芳草與蒼苔  
貧為吾道應關命  
達似他途亦是才  
人靜合尋衙北  
寺野涼還上郭西  
臺江干昨夜情多少  
風雨吹燈一夢迴

曹州寄任獨復

交結文章盡世驚  
城中幽隱更無營  
敢將古

道為吾事恥對常流語子名秋思病彈曾獨  
聽太玄閑寫欠誰評清朝故實蒲輪在合為  
高賢下帝京

山中寄招葉秀才

夜鶴曉猿時復聞寥寥長似耿離羣月中未  
要恨丹桂嶺上且來看白雲棋子不妨臨水  
著詩題兼好共僧分所憂他日榮名後難得  
幽棲事靜君

嘗茶次寄越僧靈皎

白雲峰下兩槍新  
膩綠長鮮穀雨春  
靜試恰看湖上雪  
對嘗兼憶剡中人  
瓶懸金粉師應有  
筋點瓊花我自珍  
清話幾時搔首後  
願和松色勸三巡

寄宣城宗言姪

春水涵波綠渺瀰  
江南芳草又離離  
謝家元住青山郭  
郗氏近攀丹桂枝  
衣下香囊非爾

好牀頭詩卷媿吾癡中林獨處仍多病早晚  
能來慰所思

寄西山勤道人

天竺山深桂子丹白猿啼在白雲間死生不  
出千門事坐卧無如一室閑誰伴錫痕過寂  
歷自憑茶色對孱顏忘機亦有龐居士園井  
蕭疎病掩關

寄呈張元禮

君棲枳棘官將滿我住蓬蒿道正窮  
駟馬交遊從此少一瓢生事不勝空  
衡門但指盈盈水群木方搖撼撼風  
若念故人兼久病公餘無惜寄詩筒

寄玉梁施道士

子雲遺構住丹房天鼓時聞數叩霜  
真景截波尋鐵柱怪書披月看銅墻  
氤氳氣朝胎息熠熠辰輝夜步網大  
靜入來諸事罷靈蕪

盤穗卷良方

寄太白李山人

顏如童子髮如鬢卜築深當太白西身上祇  
衣麤直掇馬前長帶古偏提鷗鵬懶擊三千  
水龍虎閑封六一泥幾獨枕肱人跡外半窗  
松雪論天倪

歷陽寄金陵衍上人

蘚暈莎叢古石房寺和松竹背秋岡騷吟未

斷雲生褐梵偈重開月照香五老舊遊應悄  
默六朝閑事何悲涼西州獨客心搖甚抹碧  
江天鳥一行

春日寄錢都使

桃花枝重肉紅垂萱草抽苗抹綠肥正語暖  
鶯風細細著雙寒燕雨稀稀亭臺物景兼飄  
絮宅院時情漸夾衣指日挾肩行樂事不甘  
離索向芳菲



寄題歷陽馬仲文水軒

構得幽居近郭西  
水軒風景獨難齊  
煙含晚樹人家遠  
雨濕春蒲燕子低  
紅燭酒醒多聚會  
粉牋詩敵幾招攜  
旅遊今日堪搔首  
搖落山城困馬蹄

春暮寄懷曹南通守任寺丞

行中

跌蕩情懷每事同  
十年曹社醉春風  
彈弓圍圃陰森下  
碁子廳堂寂靜中  
赤腳我猶無一

婢黑頭君合作三公江湖今日還勞結目送  
歸飛點點鴻

和西湖霽上人寄然社師

竹下經房號白蓮社師高行出人天一齋巾  
拂晨鐘次數禮香燈夜像前瞑目幾閑松下  
月淨頭時動石盆泉西湖舊侶因吟寄憶着  
深峰萬萬年

和陳湜贈希社師

前西雨外影

瘦靠欄干搭梵襟  
綠荷階面雨花深  
迢迢海寺浮杯興  
杳杳秋空放鶴心  
齋磬冷搖松吹  
雜定燈孤坐竹嵐  
侵鏘然更有金書  
偈祇許龍神聽靜  
吟

追和彭城太尉夏月寄題湖上湛源大

師房

碧蒲紅蓼白蓮房  
一片藥櫨撼水光  
海岸空聞有孤絕  
山中休道更清涼  
驚飛翡翠當軒

烏裏過旃檀別院香最愛晚天吟枕上好雲  
遙聳數峰長

集賢李建中工部嘗以七言長韻見寄

感存懷沒因用追和

清絕門墻冷似水野人懷刺昔嘗登新題對  
雨分蕭寺舊夢經秋說杜陵貧典郡符資月  
給老持臺憲減霜稜開元文學鍾王筆惆悵  
臨風一燼燈

和酬周啟明賢良見寄

治世誰能吊屈平且披緗帙散幽經  
春陽盡吐芊芊草霄極長垂兩兩星  
半壁煙嵐圖太華一筇風雪訪支硎  
雅吟為惠將何比明月珊瑚海氣腥

酬畫師西湖春望

笛聲風暖野梅香湖上憑欄日漸長  
一樣樓臺圍佛寺十分煙雨簇漁鄉  
鷗橫殘葑多成

陳柳映危橋未著行終約吾師指芳草靜吟  
閑步岸華陽

號略秀才以七言四韻詩為寄輒敢酬  
和幸惟采覽

本無高量似陽城但愛松風入耳聲五畝自  
開林下隱一樽聊敵世間名交談不遠樵農  
客弄翰慵誇子墨卿異日青冥肯迴顧夫君  
門族舊和羹

壽陽城南寫望懷歷陽故友

楚山重疊矗淮濱堪與王維立畫勳白鳥一行天在水綠蕪千陳野平雲孤崖佛閣晴先見極浦漁舟曉未分吟罷騷然略迴首歷陽詩社久離羣

玉梁峽口懷朱巖從事之官嶺外兩夕  
艤舟於此

蒼莽江灣盡入深數家村塢住山陰煙橫落

木寒初靜水帶微陽晚未沉極覽定非他輩  
事不來終負此生心鱸魚斫鱠松醪酒曾屬  
騷人兩日吟

西梁山下泊船懷別潤州杲上人

畫圖行李是隨緣立別江頭雨霽天鐵甕獨  
歸三月寺銅餅輕挂兩朝船吟焚篆籀香初  
竭老擁雲霞袖已穿昨夜西涼山下月為師  
懷想幾悽然



春日懷歷陽後園遊兼寄宣城天使

昔年行樂伴王孫事盡清狂是後園一榻竹  
風橫懶架半軒花月倒頑盆佳人暗引鶯言  
語芳草閑迷蝶夢魂今日淒涼舊春色可堪  
煙雨近黃昏

招人  
招思齊上人

兩槍未試泠泠水五鬣長閑淅淅風清會幾  
時搔首後病懷無復曲肱中寒雲片段浮重

巖白鳥橫斜入遠空一帙逍遙不能解牛頭

焚盡待支公

上人嘗著  
逍遙別義

聞靈皎師自信州歸越以詩招之

天師蒼翠橫金錫地藏清涼掩竹扉千里白  
雲隨野步一湖明月上秋衣詩尋靜語應無  
極琴弄寒聲轉入微我亦孤山有泉石冒來  
松下共忘機

復賡前韵且以陋居幽勝詫而誘之

畫共藥材懸屋壁琴兼茶具入船扉秋花挹  
露明紅粉水鳥衝煙濕翠衣石磴背穿林寺  
近竹煙橫點海山微百千幽勝無人見說向  
吾師是洩機

六神詩招南陽秀才

莫因公薦偶失意便擬飄蓬作旅人志壯任  
存題柱事病多爭向倚門親危堤柳色休傷  
別上院杏花長自春況有西湖好山水歸來

且濯錦衣塵

謝馬程先生輩惠蜀牋  
數幅丹霞夾白雲封題何事寄幽人  
虧君視草禁中客乞我浣花溪上春  
且與巾箱為玩好更無篇什寫清新  
我來卧病還多感一筆蛛絲滿硯塵

讀王黃州詩集

坐吟行看對清秋  
懶架仍移近枕頭  
放達有

唐惟白傳縱橫吾宋是黃州左遷商領題無  
數三入承明興未休紅藥紫微千一古又添  
揚子伴牢愁

讀种先生丁密諫詩

舊草閑看即自卑聖朝空道苦於詩高才敢  
望如明逸新句無因似謂之淮甸月華歌枕  
靜秣陵春色按鞭遲邯鄲獨步西施笑落得  
星星兩鬢絲

病中二首

坐釣行樵那不倦  
尋雲看月亦應勞  
煩襟入夜權宜減  
瘦格乘秋斗頓高  
猿下任窺煎藥鼎  
客來慵動碾茶槽  
牀頭卧架直閑卻  
免有情膠揭悼騷

遺編坐罷披三豕  
小軸行當倦五禽  
簾肆有徵常遇困  
刀圭無狀為攻深  
長卿痾渴應難奈  
玄晏清羸已不禁  
約縛隱囊聊閣膝  
忘懷

未得是微吟

喜姪宥及第

新榜傳聞事可驚  
單平於爾一何榮  
玉階已忝登高第  
金口仍教改舊名  
聞喜宴游秋色雅  
慈恩題記墨行清  
巖扉掩罷無他意  
但藝靈蕪感盛明

傷白積殿丞

吏散門牆轉寂然  
疏狂投分向生前  
苦無名

位高今世空有文章出古賢遺傳得誰脩闕  
下孤墳應祇客江邊池陽渺渺堪垂睫真罷  
秋枝一叫蟬

傷朱寺丞

妻女飄零五嶺頭為君南望涕橫流浮榮暫  
得衣朱紱遠宦尋聞喪白州天與聲名還自  
折瘴侵篇什有誰收朝中文舊知多少應惜  
無兒似鄧攸



吊薛公孟

未第身魂歿帝京東還長欠奠幽靈遺文盡  
合編家傳高行誰堪撰墓銘談柄寂寥塵久  
暗墨池荒廢草空青三招不見山中濕擬畫  
軒昂太白星

林和靖詩集卷三終

林和靖詩集卷四

五言絕句

閔師自天台見寄石枕

斲石自何許枕之懷赤城空廬復蕙帳旦暮  
白雲生

西湖與性上人話別

秋山與湖水遠近如相送後夜宿扁舟知師  
有歸夢

送謝尉

試吏才未伸食貧同古人何以贈行色一酌  
湖水春

贈中師草聖

行草得三昧林間嘗與語秋風忽捲衣別我  
之何所

送僧之京師

皇城十二衢埃塵滿香裊何以待歸期山中

桂花色

七言絕句

孤山隱居書壁

山水未深猿鳥少  
此生猶擬別移居  
直過天竺溪流上  
獨樹為橋小結廬

水亭秋日偶書

巾子峰頭烏臼樹  
微霜未落已先紅  
憑闌高看復低看  
半在石池波影中

水軒

日於詩雅轉沉迷尤愛凭闌此構題紛泊揚  
花春意晚黃鸝飛過水東西

池上作

簇簇孤蒲映蓼花水痕天影蘸秋霞分明似  
箇屏風上飛起鷓鴣一道斜

松徑

霜子落秋筇卓破雨釵堆地屐拖平不知呵

止長安客肯愛深穿冷翠行

竹林

寺籬斜夾千梢翠山磴深穿萬籜乾卻憶貴  
家廳館裏粉牆時畫數莖看

菱塘

含機綠錦翻新葉滿匣青銅瑩古花最愛晚  
來鷗與鷺宿煙翹雨便為家

蓮蕩

楚妃臯女一何多裳似芙蓉衣  
芰荷幾夕霏  
霏煙靄裏競窺清淺弄重波

對田

淤泥肥黑稻秧青潤蓋深流  
旋旋生擬倩湖  
君書版籍水仙今佃老農耕

僧有示西湖墨本者就孤山左側林蘿  
祕邃間狀出衡茅之所且題云林山人  
隱居謹書二韵以承之

泉石年來偶結廬  
冷挨松雪瞰西湖  
高僧好事仍多藝  
已共孤山入畫圖

孤山雪中寫望寄呈景山仙尉

瑤樹瑤岑掠眼新  
鮮颺時復颺珠塵  
此中自是蓬萊闕  
何處更尋姑射人

春日齋中

空階重疊上垣衣  
白晝初長社燕歸  
落盡海棠人臥病  
東風時復動柴扉



山中寒食

方塘波綠杜蘅青  
布穀提壺已足聽  
有客新嘗寒具罷  
據梧慵復散幽經

氣象纔過一百五  
且持春酒養衰年  
中林不禁火其奈  
山櫻發欲然

易從師山亭

林表秋山白鳥飛  
此中幽致亦還稀  
西村渡口人煙晚  
坐見漁舟兩兩歸

秋江寫望

蒼茫沙背鷺鷥眠  
片水無痕浸碧天  
最愛蘆花經雨後  
一蓬煙火飯魚船

乘公橋作

晚峰橫碧樹梢紅  
數榜魚罾水影中  
憶得江南曾看着  
巨然名畫在屏風

巨然僧尤  
妙山水

宿姑蘇淨惠大師院

常愛人間此會稀  
話長終日重開扉  
孤山猿

鳥西湖上懶對寒燈詠式微

偶書

一任塵欺古鹿盧  
聖經窮爛更何圖  
礮溪老叟能閑氣  
八十封侯不似無

子頃得宛陵葛生所茹筆十餘筒其中  
復得精妙者二三焉每用之如麾百勝  
之師橫行於紙墨間所向無不如意惜  
其日久且弊作詩二篇以錄其功

江南秋兔老毫疎數字鍾王尚賈餘因讀退  
之毛穎傳可憐今日不中書  
神鋒雖缺力終存架琢珊瑚欠策勛日暮閑  
窗何所似灞陵憔悴故將軍

清河茂才以良筆并詩為惠次韻奉荅  
郊翰秋勁愈於錐筠管溫溫上玉輝聊為夫

君一擔閣老來驚緩久知非

張君行楷精妙  
因致服膺之意

初夏

乳雀啁啾日氣濃  
雉桑交影綠重重  
秧田百畝鵝黃犬  
橫策溪村屬老農

秋日含山道中迴寄歷陽希然山人

村落人家總入詩  
下驢盤薄立多時  
霜陂一掬清於鑑  
漱着牙根便憶歸

晚春寄示茂才馮彭年

頭上酒巾為長物  
據梧微詠意無涯  
人生行樂知能幾  
但見春風滿地花

山閣夏日寄黃大茂才

幾日無緣見叔度  
令人鄙吝不能忘  
新篁繞閣薰風細  
還可時來納晚涼

錢塘仙尉謝君詠物樓成寄題二韻

仙人多在麗樵居  
況對西山爽氣餘  
若向湖濱屬佳句  
莫忘秋水落芙蕖

寄上金陵馬右丞

專席頃嘗居憲府  
擁旌尋亦別明庭  
金陵土

著多蒙賴分野三迴見福星  
惠愛如春威似霜神明佳政藹餘杭集賢庭  
畔依依柳無限行人比頌棠

盡道次公當入相江湖那肯久遲徊西湖春  
物空凝意猶望方舟賞勝來

和唐異見寄

騷人新遺畔牢詞隱几微吟愧所知幾欲尊  
前論款客可能林下訪栖遲

和才上人春日見寄

俗外多將雲作裝花前惟以醉為鄉  
瑤華伸玩情何極高絕猶如登百常

寄題僧院庭竹

岑寂寶坊清夜月幾移疎影上  
跣趺更憐齋罷閑看處一日還應不可無

寄蘭溪邑長史宮贊

溪上紅蘭露泣華谿波浮動長人衙  
公餘即



有扁舟興幾弄潺湲到日斜

寄梅室長

君家先祖隱吳門即日追遊往事存若向明  
時奏飛牘并將康濟息元元

閔上人以鷺鷥二軸為寄因成二韻

閒颺粉絲荷葦外數聲惟欠叫秋陰虛堂隱  
几時懸看增得滄洲趣更深

寄聞義閣梨

時在溪口

平昔常聞溪口路，重山複水去無窮。  
禪餘試問舟人看，幾宿還能到剡中。

李翰林寄松扇及詩乃荅之

編松為箒寄山中，兼得紫微詩一通。  
入手涼生殊自慰，可煩長聽隱君風。

和皓文二絕

李杜風騷少得朋，將壇高築竟誰登。  
林蘿寂寂湖山好，月下敲門祇有僧。

芳草誰能夢謝池  
但將心地喻摩尼  
千巖萬壑時相憶  
明月清風兩自知

和王給事同諸宦留題

千兵款戶迂紅旆  
四壁留題拂紫苔  
他日北山傳故事  
願將猿鶴比雲來

和蒙尉見寄

開尊且醉聖賢酒  
理棹時乘旦暮風  
懶為躬耕詠梁甫  
敢將高卧敵隆中

和酬周寺丞

門橫野水席凝塵東緼誰能問乞鄰除是平  
廬貴游客中林時復訪幽人

和安秀才次晉昌居士留題壁石

岑寂衡門題鳳處嶺雲庭樹似無依湖濱仁  
立應相望一信樵風晚未歸

和謝秘校西湖馬上

表裏湖山極目春據鞍時此避埃塵蒼蒼煙

樹悠悠水除卻王維少畫人

又和病起

展轉匡林乍起來縹缸緗帙亦慵開三年一

尉湖東住誰識神仙本姓梅

首唱云落盡  
中庭一樹梅

荅謝尉得替

牢愁漫愬空階雨羈宦閒傷落日春未似青

青河畔草客亭長短送離人

荅潘司理

庭柯雪壓已如春乘興山陰亦少人岑寂園  
廬何所對酒中賢聖藥君臣

載荅

官曹久已稱廉吏田里時來顧散人文戰談  
圍棋敵外絳侯何事號功臣

送僧游天台

石梁天絕赤城深影落滄溟幾萬尋金策若  
迴聊為說慰予終老愛山心

送陳日章秀才

閒卻清尊掩縹囊  
病來無故亦淒涼  
江南春草舊行路  
因送歸人更斷腸

送僧還東嘉

中林昨夜待微月  
因想謝公池上樓  
何意師言石門路  
一併還自上歸舟

送慈師北遊

鬱鬱蒲茸染水田  
渡淮閒寄賈人船  
知師一

枕清秋夢多為林間放鶴天

復送慈公還虎丘山

子子歸檣五兩翻香林禪石抱雲根單囊憇  
罷還應笑卻是青山不出門  
虎丘林壑率在寺垣之內

即席送江夏茂才

與君未別且酣飲別後令人空倚樓一點風  
帆若為望海門平濶鷺濤秋

送易從師還金華



吟卷田衣歲向殘孤舟夜泊大江寒前巖數  
本長松色及早歸來帶雪看

興送丁秀才歸四明

有似東浮滄海君乘槎泛泛逐歸雲蛟納市  
得能為寄擬寫清真隱秘文

送謝氏昆仲歸閩中

清邵才高雲與機林間文會忽相違南中草  
木正黃落但羨冥鴻兩兩飛

送逐良師遊嘉禾

貝葉松枝想暫閒  
半囊乘興幾時還  
船窗月上滄洲遠  
應有詩題憶舊山

送式遵師謁金陵王相國

杯渡當過白露灘  
石城春氣尚微寒  
公台謁罷如乘興  
試訪南朝事跡看

高牙熊軾隱鈴齋  
棠樹陰濃長綠苔  
丞相望尊賓謁少  
清言應喜道人來

天竺孱顏暫掩扉講香浮穗上行衣白猿聲  
裏生公石莫遣移文怨晚歸

送善中師歸四明

四明山水別多時老病心閒事事違夢想湖  
西古蘭若又和秋色送僧歸

送人遊金山

水煙霜樹矗層巒點破江心一簇寒見說天  
多剩得月為予閒上上方看

送然上人南還

囊攜琴譜與詩稿  
寄卧船窗一榻深  
莫向雲中認  
江樹等閒驚起故園心

送人知蒼梧

側身南望但依依  
片席乘風去似飛  
莫謂蒼梧在天末  
帝鄉看逐白雲歸

送有交師輦下

瀘羅閒佩氎巾輕  
秋籟隨身指去程  
輦下大

僚多好事退朝誰着道衣迎

送大方師歸金陵

渺渺江天白鳥飛石城秋色送僧歸長千古

寺經行了為到清涼看翠微清涼寺翠微  
最為嘉勝也

筆

監郡吳殿丞惠以筆墨  
建茶各吟一絕以謝之

犀利鋒鎧敵五兵夢中青鏤未為靈空山日  
午南窗暖擬寫黃庭內景經

墨

青暈時磨半硯雲更將書帖拂秋塵  
衰羸自顧空多感不是臨池苦學人

茶

石輟輕飛瑟瑟塵乳香烹出建溪春  
世間絕

品人難識閒對茶經憶古人

陸羽撰茶經而不載建溪者意

其頗有遺落耳

野鳧

三三兩兩自相隨  
檀頸回看翫  
袍衣野水無

波秋色淨不知何事忽驚飛

貓兒

織鈎時得小溪魚飽卧花陰興有餘自是鼠

嫌貧不到莫慚尸素在吾廬

鳴臯所養鶴名

臯禽名祇有前聞孤引圓吭夜正分一淚便

驚寥泆破亦無閒意到青雲

青雲所養鹿名

深林撼撼分行響淺葑茸茸疊浪痕春雪滿  
山人起晚數聲低叫喚籬門

小舟

舷低冷蔓荷千柄底舫斜穿月半輪一笠一  
蓑人穩坐晚風蕭颯弄青蘋

槐木紙椎

贈與周  
太初

入手輕乾是古槐幾聲清響徹池臺椎餘魚  
網如脂滑時寫新詩肯寄來



自作壽堂因書一絕以誌之

湖上青山對結廬  
墳前脩竹亦蕭疎  
茂陵他日求遺稿  
猶喜曾無封禪書

林和靖詩集卷四終

林和靖詩集拾遺

五言古詩

閔師見寫陋容以詩奉答

顧我邱壑人煩師與之寫北山終日懸風調  
一何野林僧忽焉至欲揖頃方罷復有條上  
猿驚窺未遑下

監郡太博惠酒及詩

塵事久謝絕園廬方晏陰鏗然郢中唱伸玩

清人心況復對尊酒百慮安能侵何以比交  
情松桂寒蕭森

送牛秀才之山陽省兄

之子詠陟岡別我歲時晏後夜失羣鶴高天  
著行鴈楚山遠近出江樹青紅間尊酒無足

辭離愁滿行盼

和運使陳學士遊靈隱寺寓懷

山壑氣相合旦暮生秋陰松門韻虛籟錚若

鳴瑤琴舉目羣狀動傾耳百慮沉按部既優  
游時此振衣襟泓澄冷泉色寫我清曠心飄  
颻白猿聲荅我雅正吟經臺復丹井捫蘿嘗  
遍臨鶴蓋青霞映玉趾蒼苔侵溫顏煦槁木  
真性馴幽禽所以仁惠政及物一一深洒翰  
璘珣壁返駕旃檀林回睨窳堵峰天半千萬

尋

五言律詩一首

孤山雪中寫望

盧文昭云此詩真跡見江村銷夏錄應補入

片山兼水遶晴雪復漫漫一徑何人到中林

盡日看遠分樵載重斜壓葦叢乾樓閣嚴城

寺疎鐘動晚寒

七言律詩七首

盧文昭云陳本所無當刪孔彰按前四首見咸淳臨

安志梅花二首又見瀛奎律髓仍當錄存

西湖孤山寺後舟中寫望

天竺橫分景色寬孤山背後泊船看林藏野

路秋偏靜水映漁家晚自寒拂拂煙雲初淡  
蕩蕭蕭蘆葦半衰殘春鋤數點誰驚起書破  
晴雲粉字乾

小隱

魯望無來已百年又生吾輩在林泉唯知隱  
遯為高尚敢道文章到聖賢月界曉窗琴嶽  
潤竹搖秋机墨雲鮮南塘一霎霏微雨更擁  
漁蓑上釣船

梅花二首

宿靄相粘凍雪殘一枝深映竹叢寒不辭日  
日旁邊立長願年年末上看蕊訝粉綃裁太  
碎帶凝紅蠟綴初乾香篋獨酌聊為壽從此  
羣芳興亦闌

孤根何事在柴荆村色仍將臘候并橫隔片  
煙爭向靜半粘殘雪不勝清等閑題詠誰為  
愧子細相看似有情搔首壽陽千載後可堪

青草雜芳英

秋懷

霏霏煙露拂西窗  
細帙披殘卧縹缸  
林木細分山去削  
水波微動鶴丁椿  
涼沈睡欲何妨  
縱靜壯詩魔未易降  
搔首舊遊堪入畫  
一檣如練下澄江

和酬泉南陳賢良

高見贈

湛盧生澀鞘  
秋塵方冊誰談禮  
樂因兩地貴



游無舊識五天清會有高人泉關茶井當猶  
惜火養丹鑪看獨頻揚袂公車莫相調浮名  
應未似身親

寄輦下莫降秀才

犀圍古暗革靴鳴楚楚衣裾白苧輕節概平  
時長獨立文章近日合雙行且看輦轂千蹄  
曉復憶溪山數筆晴一第臨臨杏花宴滿都  
春色叫遷鶯

七言絕句一首

水青風水洞

朱孔彰云此詩見咸淳臨安志應補入

三弄簾鈿

平昔常聞風水洞重山複水去無窮因緣偶

入雲泉路林下先聞接客鐘

句

草泥行郭索雲木叫鉤輶

良甚矣然新業本無當無序

風回句

隱非秦甲子病有晉春秋

水天雲黑白霜野樹青紅

風回時帶笛煙遠忽藏村

詩餘三首

盧文昭云陳本所無當刪孔彰按點絳唇一闕見苕溪漁隱叢

話詩人玉屑長相思一闕見樂府雅詞又並見花庵詞選仍當錄存

霜天曉角

題梅

冰清霜潔昨夜梅花發甚處玉龍三弄聲搖  
動枝頭月夢絕金獸熱曉寒蘭燼滅要捲

珠簾清賞且莫掃階前雪

點絳脣

題草

金谷年年亂生春色誰為主  
餘花落處滿地  
和煙雨 又是離歌一闋  
長亭暮王孫去  
萋萋無數南北東西路

長相思

惜別

吳山青越山青兩岸青山相送迎誰知離別  
情君淚盈妾淚盈羅帶同心結未成江頭  
潮已平

林和靖詩集拾遺終

和靖詩集宋槧已微予家藏二本一為康熙  
中長洲吳氏調元刻一為乾隆中杭人陳梓  
刻又別見舊鈔本頃從瑞安孫君詒讓仲容  
借盧氏抱經羣書拾補閱中有校和靖集數  
紙係據明正統八年餘姚陳贄刻本以正吳  
本編次最善而未專刻全集予因仿宋巾箱  
本重付剞劂悉從盧校其不從者吳本增多  
七言律詩七首詩餘三首盧氏疑非和靖作

并欲刪去予考宋人書多載之今編入拾遺  
辨證見注中逸詩句增焉有增校處如梅序  
中大年吳本年誤作言據咸淳臨安志宋史  
本傳改年六十一吳本誤作六十二據宛陵  
集東都事略改卷一中詩注瑠璃堂圖吳本  
誤作瑠琉舊鈔本誤作瑠瑜案直齋書錄解  
題卷二十二有瑠璃堂墨客圖一卷列唐詩  
主客圖前當是瑠璃二字茲據改正拾遺卷

中春鋤吳本作春雛據咸淳志改案詩疏鷺  
齊魯之間謂之春鋤詩寫秋景作春雛誤未  
敢與盧校清故揭於此若碧溪詩話引和靖  
馬從同事借一聯並引浮生有定分四句係  
杜詩阮閱總龜直誤為逋之逸句方輿勝覽  
引過蕪湖縣首二句為郭功父詩考青山集  
不載實和靖作劉後村千家詩選載雪詩最  
愛僧偷過半牆二聯刪律為絕句並改二韻



皆宋人誤引竄易未便據校集本也卷首酬  
唱題詠舊鈔本有吳本無今并入編錄時隨  
增釋智圓一首脫誤者已補正之予又編年  
譜一卷點勘一卷箋釋二卷與孫君增錄宋  
人詩話一卷俟續刻焉同治十二年仲夏長  
洲朱孔彰識

齊魯之間臨之春餘情為林景於春雜詩未  
中春餘是本於朱朝林何謂詩文者皆雜詩